

RESOLUCIÓN 06/2022

Reunida en sesión ordinaria a Xunta Electoral da FEGAN, sendo as 9:00h do 12 de xullo de 2022, estando presentes todos os seus membros emiten a presente resolución cos seguintes

ANTECEDENTES DE FEITO

No presente día tense publicado o censo definitivo de acordo co disposto na Resolución 05/2022 e no Regulamento Electoral do presente procedemento, polo que corresponde a este órgano electoral dar o debido curso ao presente proceso electoral de acordo aos seguintes

FUNDAMENTOS DE DEREITO

- I. **COMPETENCIA:** É competencia desta Xunta Electoral segundo o artigo 5.9 do Regulamento Electoral:

*"a) Velar polo **axustamento a dereito do proceso electoral** dos órganos de goberno e representación federativos.*

*b) **Organizar os procesos das eleccións para a asemblea xeral** e presidente da federación, **segundo o disposto neste regulamento electoral.***

(...)

*e) **Garantir a exposición de censos, candidaturas** e outros documentos **segundo se establece neste regulamento electoral.***

De acordo co exposto correspóndelle a este órgano a emisión da presente resolución que permita o cumprimento efectivo da normativa electoral aplicable.

- II. **FIRMEZA PUBLICACIÓN CENSO DEFINITIVO:** O artigo 8 apartado c) do Regulamento Electoral establece que *"Una vez resoltos os recursos contra o censo electoral provisional, no caso de terse presentado, **ou de non existir estes, a Xunta electoral elevará, no día hábil seguinte, o censo electoral provisional a definitivo, sen que caiba impugnación posterior.**"* En virtude do referido no presente artigo, a resolución 05/2022 pola que se publicou o censo definitivo é firme ao non haber ningún tipo de recurso contra esta.

- III. **PRAZO PRESENTACIÓN CANDIDATURAS:** o artigo 20.1 do Regulamento Electoral dispón que *“Poderá ser persoa candidata a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fidedignamente en dereito a dita solicitude, ante a xunta electoral. No prazo de 3 días hábiles contados desde a publicación do censo definitivo.”*

En liña co exposto, o Decreto 16/2018, de 15 de febreiro, ratifica este procedemento no seu artigo 35.1, establecendo que para ser candidata/o a membro da asemblea xeral poderá solicitarse ante a Xunta Electoral no prazo que “non será inferior a tres días” contados dende a publicación do censo definitivo.

- IV. **CALENDARIO ELECTORAL:** o artigo 15 do Decreto 16/2018 establece que o calendario publicado se trata dun *“calendario electoral estimado”*, deixando claro que se trata dunha previsión dos prazos que se estiman que puidesen darse se se esgotase na súa totalidade todos os recursos posibles no regulamento.

Este documento carece totalmente de forza normativa nin regulamentaria, senón que, como establece o propio Decreto da Xunta de Galicia, trátase dunha aproximación das datas nas que se desenvolverá o procedemento electoral. A maior afondamento, cabe destacar que o cumprimento do disposto no citado calendario estimado e provisional provocaría, neste momento procedimental, un incumprimento flagrante do disposto no Regulamento Electoral e no Decreto 16/2018, no que respecta, particularmente, á presentación das candidaturas.

- V. En base ás competencias que esta Xunta Electoral ten establecido e co fin de cumprir rigorosamente o disposto na máxima norma que rexe proceso electoral, así como no Decreto 16/2018 corresponde aperturar o prazo para a presentación das candidaturas e proceder á modificación dos prazos dispostos no calendario estimado e provisional publicado.

En virtude do exposto,

RESOLVEN

1. Aperturar e establecer o prazo para a presentación de candidaturas entre os días 13 e 15 de xullo para dar cumprimento efectivo ao disposto normativa e regulamentariamente e o debido curso ao proceso electoral.
2. Modificar o calendario estimado e provisional publicado para adecualo ás disposicións regulamentarias e ao transcurso real e efectivo do procedemento.

3. Publicar os modelos para a presentación de candidaturas por parte das persoas interesadas a membros da Asemblea Xeral.

A presente resolución publicarase para coñecemento público e contra a mesma poderase interpor recurso ante o Comité Galego de Xustiza Deportiva, nun prazo de 3 días hábiles a partir do día seguinte ao da súa notificación, de conformidade co disposto no artigo 33 do Regulamento Electoral.

Para que conste os efectos oportunos, certifico esta resolución co visto e prace do presidente, na Coruña, a 12 de xullo de 2022.

O secretario da XE,



Asdo.: Aitor Bouza Manso

Vto e prace: O presidente da XE,



Asdo.: Patricio Sánchez Fernández